

Euskal Herriko Ahotsak
ahotsak.com

Claudio Usobiaga Albizu

*Mutriku,
Gipuzkoa
(1916-2015)*

Aurkibidea



Biografia



Astigarribia auzoko Bekoetxe baserrian jaio zen 1916ko abenduaren 1ean. Aita bertakoa zuen eta ama Lastur auzokoa; Claudio zazpi seme-alabetatik gazteena izan zen. Txikitatik baserriko lanetan lagundu beharra izan zuen; hala ere, gerra hasi aurretik trenbidean peoi lanak egin zituen. Anaiarekin batera Eibarko tailerretan ere aritu zen; Eibarrera bizikletan joaten zen entrenamendu modura, txirrindulari ona baitzen. 20 urte zituela, Gerra Zibila hasi eta Amuategi batailoian borrokatu zen Errepublikaren alde, Santanderren harrapatu zuten arte. Hiru urtez egon zen kartzelan, eta ia beste hiru soldadutzan, gerra bukatu ostean. Soldadutza eginda, gerra aurretik ezagutu zuen Agustina Iriondo eibartarrarekin ezkondu zen Elgoibarko Bekoetxe baserrira, eta hiru seme eduki zituzten. 1956an, Alfán lanean zegoela, bizitzera Eibarrera joatea erabaki zuten.

Zintak

MUT-037

- **Proiektua:** Euskal Herriko Ahotsak
- **Elkarrizketatzailea(k):** Bernabe, Ainhoa
- **Data:** 2012-06-30
- **Iraupena:** 71 min
- **Euskarria:** Bideo digitala
- **Kodifikatzailea:** Oruesagasti, Ainitze

Pasarteak

1. "Ia Mutrikuko baserri txikiena!"

- **Erref:** MUT-037/003
- **Iraupena:** 0:00:48. **Hasi:** 00:04:47. **Bukatu:** 00:05:35

- **Multimedia:** bideoa online ikusgai

Gaia(k):

- Itsasoa » Arrantza-kanpainak » Angulak
- Baserria » Baserriko bizimodua » Baserriko bizimodua

Laburpena:

Baserriko bizimodua zuten. Baserri txikia zen terrenoz. Anguletan irabazten zuten dirua.

2. Gaztaina bilketa eta salmenta

- **Erref:** MUT-037/004
- **Iraupena:** 0:00:39. **Hasi:** 00:05:35. **Bukatu:** 00:06:14
- **Multimedia:** bideoa online ikusgai

Gaia(k):

- Baserria » Baserriko lanak » Herrira saltzera, eroztera
- Baserria » Baserriko lanak » Mendiaren aprobetxamendua

Laburpena:

Basoan gaztaina biltzen zuten, eta Claudioren anaia bat Ondarrara joan ohi zen gaztaina saltzera. Gero, anaiak karameluak ekartzen omen zizkien Ondarroatik.

3. Angulatara

- **Erref:** MUT-037/006
- **Iraupena:** 0:01:23. **Hasi:** 00:06:25. **Bukatu:** 00:07:48
- **Multimedia:** bideoa online ikusgai

Gaia(k):

- Itsasoa » Arrantza-kanpainak » Angulak

Laburpena:

Gazte denboran, angulatara joaten ziren igandetan. Aitak noiz etxeratzen ziren zaintzen omen zuen, eta behin baino gehigotan oinetako bustiarekin sartu omen zen Claudio ohera.

4. Angulatarako tresnak

- **Erref:** MUT-037/007
- **Iraupena:** 0:01:07. **Hasi:** 00:07:48. **Bukatu:** 00:08:55
- **Multimedia:** bideoa online ikusgai

Gaia(k):

- Itsasoa » Arrantza-kanpainak » Angulak
- Itsasoa » Lan-tresnak eta azpiegiturak » Lan-tresnak

Laburpena:

Angulak nola harrapatzen zituzten eta zer tresna erabiltzen zituzten azaltzen du Claudiok. Baheak nola erabiltzen zituen azaltzen du.

5. Tabakoa, angulak hiltzeko

- **Erref:** MUT-037/008
- **Iraupena:** 0:02:27. **Hasi:** 00:08:55. **Bukatu:** 00:11:22
- **Multimedia:** bideoa online ikusgai

Gaia(k):

- Itsasoa » Arrantza-kanpainak » Angulak

Laburpena:

Angulak harrapatuta, etxean edukitzen zituzten aska edo "deposito"an. Gero, saltzeko garaia etortzen zenean, angulai tabako piska bat botatzen zieten hil zitezen. Ondoren, angulak egosi eta ondo lehortzen zituzten.

6. Eskolan denbora gutxi

- **Erref:** MUT-037/010
- **Iraupena:** 0:00:59. **Hasi:** 00:11:37. **Bukatu:** 00:12:36
- **Multimedia:** bideoa online ikusgai

Gaia(k):

- Baserría » Baserriko bizimodua » Baserriko bizimodua
- Ohiturak eta bizimodua » Hezkuntza » Eskola

Laburpena:

Astigarribiako eskolan ibili zen "ibili nintzen denbora gutxian". Eskola elizaren kontra zegoen. Baserriko lanetan lagun behar izaten zuen Claudiok; itulan ibili ohi zen.

7. Eskolako kontuak

- **Erref:** MUT-037/012
- **Iraupena:** 0:00:52. **Hasi:** 00:12:59. **Bukatu:** 00:13:51
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Ohiturak eta bizimodua » Hezkuntza » Maisu-maistrak

Laburpena:

Neskak eta mutilak elkarrekin ikasten zuten. Beti maisuak izaten zituzten. Eskolan erdaraz egin behar izaten zuten.

8. Urte askoan akolito izandakoa

- **Erref:** MUT-037/014
- **Iraupena:** 0:00:34. **Hasi:** 00:14:03. **Bukatu:** 00:14:37
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Elizarekin lotutako pertsonak

Laburpena:

Umetan, urte askoan akolito ibilitakoa da Claudio. Gaiztakeria: elizako ardoa edaten omen zuen; gero, apaizak ez antzemateko ura botatzen omen zuen haren ordeaz.

9. Astigarribiako taberna

- **Erref:** MUT-037/018
- **Iraupena:** 0:00:37. **Hasi:** 00:17:58. **Bukatu:** 00:18:35
- **Multimedia:** bideoa online ikusgai

Gaia(k):

- Aisia » Taberna giroa » Tabernak eta jatetxeak

Laburpena:

Claudio umea zela Astigarribian bazen taberna bat Torrean.

10. Praileaitzeko kobak

- **Erref:** MUT-037/019
- **Iraupena:** 0:00:45. **Hasi:** 00:18:35. **Bukatu:** 00:19:20
- **Multimedia:** bideoa online ikusgai

Gaia(k):

- Natura

Laburpena:

Praileaitzeko kobei buruz hitz egiten du. 13-14 urte zituela lagun taldearekin kobara sartu zeneko pasadizoa kontatzen du. Kobazuloa barrutik nolakoa den azaltzen du.

11. Boto eskean

- **Erref:** MUT-037/025
- **Iraupena:** 0:01:07. **Hasi:** 00:23:56. **Bukatu:** 00:25:03
- **Multimedia:** bideoa online ikusgai

Gaia(k):

- Politika » Jarrera politikoak » Liskarrak politikan

Laburpena:

Lehen baserrietara joaten omen ziren boto eskean.

12. Primo de Rivera Ondarroan

- **Erref:** MUT-037/026
- **Iraupena:** 0:00:58. **Hasi:** 00:25:03. **Bukatu:** 00:26:01
- **Multimedia:** bideoa online ikusgai

Gaia(k):

- Politika » Gerra aurea » 1923-1931: Primo de Rivera

Laburpena:

Primo de Rivero Ondarroan egon zela gogoratzen du. Claudio umea zen orduan, eta ume guztiak eskolatik atera omen ziren hura agurtzera.

13. II. Errepublikako kontuak

- **Erref:** MUT-037/028
- **Iraupena:** 0:00:50. **Hasi:** 00:26:18. **Bukatu:** 00:27:08
- **Multimedia:** bideoa online ikusgai

Gaia(k):

- Politika » Gerra aurea » 1931-1936: II. Errepublika

Laburpena:

II. Errepublikako kontuak. Mutrikun ba omen ziren bi pertsona mitinak ematen ibiltzen zirenak; Galarraga delako bat gogoratzen du.

14. Eibarrera lanera

- **Erref:** MUT-037/031
- **Iraupena:** 0:01:18. **Hasi:** 00:27:52. **Bukatu:** 00:29:10
- **Multimedia:** bideoa online ikusgai

Gaia(k):

- Lantegiak » Ekonomia eta industria » Gipuzkoako lantegiak » Debarrenen lantegiak

Laburpena:

Deban aritu zen lanean, eta 13-14 urte zituela, berriz, Eibarrera joan zen lanera. Eibarko Etxabe, Arizmendi y Cía bizikleta lantegian aritu zen lanean. Anaiaren bidez hasi zen lantegian lanean. Orbea, BH, G.A.C. bizikleta lantegiak ere aipatzen ditu.

15. Bizikletaz Eibarrera, lanera

- **Erref:** MUT-037/033
- **Iraupena:** 0:00:31. **Hasi:** 00:29:45. **Bukatu:** 00:30:16
- **Multimedia:** bideoa online ikusgai

Gaia(k):

- Lantegiak » Ekonomia eta industria » Gipuzkoako lantegiak » Debarrenen lantegiak
- Aisia » Kirola » Txirrindularitza

Laburpena:

Eibarren hasi zen lanean Etxabe, Arizmendi y Cía bizikleta lantegian. Ordurako, Claudioren anaia bat Eibarren bizi zen, eta hasieran haren etxean geratzen zen. Gero, egunero bizikletaz joan-etorria egiten zuen Astigarribiatik Eibarrera.

16. Txirrindularia

- **Erref:** MUT-037/034
- **Iraupena:** 0:01:07. **Hasi:** 00:30:16. **Bukatu:** 00:31:23
- **Multimedia:** bideoa online ikusgai

Gaia(k):

- Aisia » Kirola » Txirrindularitza

Laburpena:

Txirrindularitza. Eibarren egiten zuen lana. Egunero bizikletaz joan-etorria egiten zuen Astigarribiatik Eibarrera. Nolako entrenamenduak egiten zituen: Elgoibartik Azkaratera, Azkaratetik Azkoitira, Azkotitik Azpeitira eta handik Zestoara. Zestoatik etxera bueltatzen zen. 44 kilometro egiten zituen. Txirrindularitza lasterketetan parte hartzen zuen Claudiok. Ez zen profesionaletara iritsi gerra etorri zelako.

17. Astigarribiako "apeaderoa"

- **Erref:** MUT-037/035
- **Iraupena:** 0:00:34. **Hasi:** 00:31:23. **Bukatu:** 00:31:57
- **Multimedia:** bideoa online ikusgai

Gaia(k):

- Herria, azpiegitura » Garraioak » Trenak

Laburpena:

Lehen automobil gutxi zegoen. Astigarribian "apeaderoa" (trenaren geralekua) zegoen. "Langileen trena" esaten zitzaion.

18. Peoi lanetan

- **Erref:** MUT-037/037
- **Iraupena:** 0:00:43. **Hasi:** 00:33:00. **Bukatu:** 00:33:43
- **Multimedia:** bideoa online ikusgai

Gaia(k):

- Ekonomia eta industria » Lan-baldintzak
- Familia eta harremanak » Lagunartea eta familia » Umetako lanak
- Herria, azpiegitura » Garraioak » Trenak

Laburpena:

Mutil kozkorra zela peoi lanetan ibili zen Astigarribiako tren geltokiko lanetan. Errekadista lanak egiten omen zituen. Egunean 3 pezeta irabazten zituen.

19. Errepublika garaiko prentsa

- **Erref:** MUT-037/038
- **Iraupena:** 0:00:40. **Hasi:** 00:33:43. **Bukatu:** 00:34:23
- **Multimedia:** bideoa online ikusgai

Gaia(k):

- Politika » Gerra aurea » 1931-1936: II. Errepublika
- Aisia » Kultura » Irakurtzea

Laburpena:

<p>Erepublika garaiko prentsa: La Voz de Guipúzcoa, Hiero, La Gaceta, El Diario Vasco...</p>

20. Amuategi batailoia

- **Erref:** MUT-037/040
- **Iraupena:** 0:01:56. **Hasi:** 00:34:42. **Bukatu:** 00:36:38

- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka

Laburpena:

Gerra Zibileko kontuak. 20 urte zituela, Amuategi batailoian sartu zen. Eibarren lan egiten zuen garai hartan.

21. Libre gerraostean

- **Erref:** MUT-037/041
- **Iraupena:** 0:00:57. **Hasi:** 00:36:38. **Bukatu:** 00:37:35
- **Multimedia:** bideoa online ikusgai

Gaia(k):

- Politika » Politika eta Franco

Laburpena:

Gerra ondoreneko oroitzapenak. Claudiok denbora egin zuen preso. Libre geratu ostean, Mutrikura joan zen lehenengo aldiari buruz hitz egiten du.

22. Batailoiko gazteena

- **Erref:** MUT-037/045
- **Iraupena:** 0:00:58. **Hasi:** 00:39:40. **Bukatu:** 00:40:38
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka
- Bestelako kontuak » Irudiak grabatzen

Laburpena:

Amuategi batailoian zeuden mutrikuarrei buruz hitz egiten du. Batailoiko gazteena zen Claudio. Frontera joan ziren zer zen jakin gabe. Argazkia ikus daiteke.

23. Intxorta

- **Erref:** MUT-037/051
- **Iraupena:** 0:00:56. **Hasi:** 00:43:04. **Bukatu:** 00:44:00
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka

Laburpena:

<p>Intxortako borrokari buruz hitz egiten du. Intxortatik Olaberri ondora jaitsi zen Claudio, bakar-bakarrik. Tenienteak munizio kaxa baten bila joateko agindua eman zion, eta kaxarekin bueltatu zenerako batailoiko kide guztiak ihes egindako zeuden.</p>

24. Eibartik Gernikara

- **Erref:** MUT-037/053

- **Iraupena:** 0:01:18. **Hasi:** 00:44:33. **Bukatu:** 00:45:51
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka

Laburpena:

Eibarren batailoiko soldaduak sakabanatuta, bata bestearengandik galduta, gelditu ziren. Gauzak horrela, nazionalengandik ihesi, Eibartik Gernikara abiatu zen Claudio. Gernikara bidean zihola bonbardatu zuten herria. Bidean topatu zuen emakume batekin izandako elkarriketa kontatzen du.

25. Gernikatik Bilbora

- **Erref:** MUT-037/054
- **Iraupena:** 0:00:41. **Hasi:** 00:45:51. **Bukatu:** 00:46:32
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka

Laburpena:

Gernikatik Bilbora joan ziren. Bilboko Burdinazko gerrikoan sabotaia egon zela dio Claudiok.

26. Kartzelako egonaldia

- **Erref:** MUT-037/055
- **Iraupena:** 0:01:21. **Hasi:** 00:46:32. **Bukatu:** 00:47:53
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Errepresioa

Laburpena:

Bilbotik ere ihes egitea lortu zuen Clauriok, baina Santanderren harrapatu zuten. Santoñako 'El Dueso' kartzelan egon zen preso. Bilboko eskolapioetan eta Villarcayon ere bai. Preso egon zeneko oroitzapenak kontatzen ditu. Hiru urte egin zituen preso.

27. "Trabajadoretan"

- **Erref:** MUT-037/056
- **Iraupena:** 0:03:16. **Hasi:** 00:47:53. **Bukatu:** 00:51:09
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Errepresioa
- Ohiturak eta bizimodua » Kontakizunak eta sinesmenak » Anekdotak, kontakizunak

Laburpena:

Hiru urte preso egin eta gero, "trabajadoretan" ere beste hiru egin zituen Claudiok. Canfrancen "trabajadoretan" ibili zireneko pasadizoak kontatzen ditu.

28. Mirandan hiru urte

- **Erref:** MUT-037/061
- **Iraupena:** 0:01:51. **Hasi:** 00:55:15. **Bukatu:** 00:57:06
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Errepresioa

Laburpena:

Gerra-kontseiluan epaitu eta soldadutzara bidali zuten. Mirandara bidali zuten: han zer lan egiten zituen aipatzen du. Hiru urte egin zituen han: denera zazpi urte egin zituen etxetik kanpora.

29. Mirandan, almazenean

- **Erref:** MUT-037/063
- **Iraupena:** 0:00:39. **Hasi:** 00:58:50. **Bukatu:** 00:59:29
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Errepresioa

Laburpena:

Gerra-kontseiluan epaitu eta Mirandara bidali zuten: han almazenean aritu zen lanean. Gustora egon zen: ez zitzaion jatekorik falta izaten.

Ahotsak.eus-eko edukiarekin sortutako dokumentu automatikoa.

2025-12-08

CC-by-sa | Ahotsak.eus

Badihardugu Euskara Elkartea

Markeskua Jauregia, 20600 Eibar

943121775 - ahotsak@ahotsak.com